


Niki & Balu, 6j.



suechet zäme äs nöiis Daheime mit Freigang

Liebi Tierfründe

Sorry für'd Störig, abr mir wönnt Dir üse Wunschzettle zeige. Ja, s'isch es bitzeli früech für d'Wiihnachte, abr so lang chönnt mir nid warte. Mir wünsche üs nämlech es nöiis Daheime. Warum? Mir (odr zmindest dr Niki) fühlle üs so gar nüm wou daheime, üse Bsitzr isch viu zwänig daheime, itze sötte mir o uno i nöii Wohnig zügler u finanziäu isches ou knapp, es het scho e grossi Tierarzträchig gäh. Dr Niki isch so gschträsst, dass er itze mängisch innebisle tuet. Mir sueche eifach es entschannts Daheime, wo sy für üs da sy u Ziit hei für üs. Drum!

Mir sy Brüetsch, uuzertrännlech, 6jährig, kaschtriert, gimpft, chippet, (sunsch) schtuberein, lieb, uuchompliziert u sähr aahänglech. Was wottsch meh? Mir liebes z'Schmüsele u z'Schpiue, mit auem u jädem. Bi üs isch immr öppis los. Mir sy sähr mönschebezoge u so gar nid gärrn allei. U nöigiirig! We Du üs tuesch bsueche, denn chumme mir uf au Fäu füre u höckle uf Din Schoss. SCHTRIICHELE! Dr Balu het leidr scho mou Blaseschtei ghet, isch abr operiert, itze isches guet, er isch schtuberein, bruucht nur Urinary-Fuetter, das isch aues. Dr Niki isch dr Sorgebueb, er isch ziemlech sensibu u bislet leidr inne, we er zviu allei isch odr zwänig Beachtig bechunnt. Er isch vom Doc dürecheckt worde, aues gsung, s'isch würklech Protescht-Verluschtangscht-Iifersucht. Sie probiere's itze ou no mit mehreri Chischtli ir ganze Wohnig. S'bruucht eifach für ihn Geduud, Iifühligsvermöge u Chatzeerfahrig. Abr er isch doch so en Liebr!

Mir sueche zäme chatzeerfahreni Lüüt mit Geduud u Ziit u Platz für üs, die wo üs Freigang ir verkehrsarmer Umgäbig chönnt biete, durchs Törli düre. Ohne chliini Ching, Hung u Chatz. Gärn eentschannti Familie odr Pensionäre, wo fascht immr öpper daheime isch, zum Schpiue u Schmüsele. Chönntsch Du üs so öppis biete? U suechsch Du zwöi Familiemitgliedr? Gibsch Du üs e zwöiti Chance? Bisch Du viu daheime u für üs da? Das wär's, denn müesset mir üs unbedingt lehre chenne. Mir wohne derziit no z'Belp/BE, zügler aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Wenn chunnsch Du üs bsueche?

Dini Zwöi: Niki & Balu



Katze sucht Mensch - Mensch sucht Katze

Sonja Ball

Tel.Nr. 079 333 45 62 Mo-Fr 18-20h)

kontakt@katze-sucht-mensch.ch